

**KOLEKTIVNI UGOVOR****O IZMJENAMA I DOPUNAMA KOLEKTIVNOG  
UGOVORA IZMEĐU VLADE KANTONA SARAJEVO I  
SINDIKATA POLICIJE KANTONA SARAJEVO  
BROJ SPKS-64/2017 I BROJ 02-34-2913/17  
OD 01.02.2017. GODINE**

## Član 1.

**U Članu 28. stav (3) mijenja se i glasi:**

Plata iz stava (2) ovog člana se povećava za 0,6% (minuli rad) za svaku započetu godinu staža osiguranja, s tim da ukupno povećanje ne može biti veće od 20%.

## Član 2.

**U članu 32. stav (5) briše se.**

Broj SPKS-64-1/20178 Broj 02-34-2913-1/17

U Sarajevu, 03. marta 2017. godine

Za Sindikat policije Za Vladu  
Kantona Sarajevo Kantona Sarajevo  
Predsjednik Upravnog odbora Premijer Vlade  
**Mirza Hadžiabdić, s. r. Elmedin Konaković, s. r.**

**Ministarstvo finansija**

Na osnovu člana 17. stav (1) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", br. 53/16), po zahtjevu Kantonalne uprave za inspeksijske poslove, Ministar finansija donosi slijedeću

**ODLUKU****O PRERASPODJELI SREDSTAVA U BUDŽETU  
KANTONA SARAJEVO ZA 2017. GODINU ZA  
BUDŽETSKOG KORISNIKA KANTONALNA UPRAVA  
ZA INSPEKCIJSKE POSLOVE**

1. Odobrava se preraspodjela sredstava u Budžetu Kantona Sarajevo za 2017. godinu u iznosu 24.000,00 KM u razdjelu 11090001 Kantonalna uprava za inspeksijske poslove i to:

Klas.	Glava	Podj. jed.	Ekons. kod	Tab. statistika	Funkcija	OPN	Ukupno
11	09	5001				KANTON SARAJEVO - KANTONALNA UPRAVA ZA INSPEKCIJSKE POSLOVE	
						Sa ekonomskog koda ( budžetska sredstva)	
11	09	5001	* 613000	B0N003	01N1	Nabavka materijala	9.000,00
11	09	5001	* 614300	B0N003	04Z1	Usluge sitovara, prevoz, skladištenja, čuvanja oduzetih predmeta	15.000,00
						Na ekonomski kod ( budžetska sredstva)	
11	09	5001	* 821300	B0X002	04Z1	Nabavka kompjuterske opreme	24.000,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-3056/16  
28. februara 2017. godine  
Sarajevo

Ministar  
Prof. dr. **Jasmin Halebić, s. r.**

Na osnovu člana 18. stav (2) Zakona o trezoru u Federaciji Bosne i Hercegovine ("Službene novine Federacije BiH", broj 26/16) i člana 9. Uredbe o utvrđivanju vlastitih prihoda, načina i rokova raspodjele ("Službene novine Kantona Sarajevo", broj 51/16), ministar finansija Kantona Sarajevo donosi

**UPUTSTVO****O PRIKUPLJANJU, EVIDENTIRANJU I  
RASPOLAGANJU VLASTITIM PRIHODIMA  
OD STRANE BUDŽETSKIH KORISNIKA****POGLAVLJE I. OSNOVNE ODREDBE**

## Član 1.

(Predmet)

Ovim Uputstvom utvrđuje se prikupljanje, evidentiranje i raspolaganje vlastitim prihodima od strane budžetskih korisnika Budžeta Kantona Sarajevo (u daljnjem tekstu: budžetski korisnici) kao i postupak povrata više ili pogrešno uplaćenih vlastitih prihoda.

## Član 2.

(Vlastiti prihodi)

- (1) Pod vlastitim prihodima podrazumijevaju se prihodi koje budžetski korisnici ostvare obavljanjem osnovne djelatnosti i ostalih poslova na tržištu.
- (2) Pod vlastitim prihodima ne podrazumijevaju se prihodi koje budžetski korisnici ostvare obavljajući osnovnu djelatnost propisanu zakonima ili drugim propisima o osnivanju, za koju je propisima utvrđena visina naknade za sluge koje pružaju pravnim i fizičkim licima, kao ni prihodi ostvareni u internom poslovanju između budžetskih korisnika na istom nivou vlasti.
- (3) Vrste vlastitih prihoda utvrđene su Uredbom o utvrđivanju vlastitih prihoda, načina i rokova raspodjele ("Službene novine Kantona Sarajevo", broj 51/16), a korištenje vlastitih prihoda budžetski korisnici su dužni utvrditi pravilnikom.

**POGLAVLJE II. PRIKUPLJANJE VLASTITIH PRIHODA**

## Član 3.

(Depozitni račun)

Vlastiti prihodi uplaćuju se na depozitni račun za prikupljanje javnih prihoda Budžeta Kantona Sarajevo (u daljnjem tekstu: depozitni račun), u skladu sa Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine ("Službene novine Federacije BiH", broj 33/16).

**POGLAVLJE III. EVIDENTIRANJE VLASTITIH PRIHODA**

## Član 4.

(Evidentiranje vlastitih prihoda)

- (1) Budžetski korisnici koji ostvaruju vlastite prihode dužni su sve transakcije po osnovu vlastitih prihoda evidentirati u pomoćnim knjigama i u Glavnoj knjizi Trezora.
- (2) Podaci u evidencijama u pomoćnim knjigama budžetskih korisnika moraju biti usklađeni sa podacima u Glavnoj knjizi Trezora.
- (3) Evidentiranje transakcija po osnovu vlastitih prihoda u pomoćnim knjigama mora se vršiti u skladu sa Uputstvom o izvršavanju budžeta sa Jedinstvenog računa Trezora ("Službene novine Federacije BiH", broj 34/16) i Računovodstvenim politikama za budžetske korisnike i Trezor Kantona Sarajevo.
- (4) Budžetski korisnici koji naplatu vlastitih prihoda vrše u gotovini, dužni su iste evidentirati u blagajničkom dnevniku i uplatiti na Jedinstveni račun trezora (u daljem tekstu: JRT) najkasnije naredni dan od dana naplate istih.
- (5) Prilikom ispostavljanja fakture, budžetski korisnik je dužan navesti elemente koje je uplatilac obavezan unijeti u nalogu za plaćanje.

- (6) Na nalogu za plaćanje obavezno se u dijelu "SAMO ZA JAVNE PRIHODE" popunjavaju slijedeći podaci:
- polje "BUDŽETSKA ORGANIZACIJA" - unosi se organizacioni kod budžetskog korisnika,
  - polje "VRSTA PRIHODA" - unosi se konto 722631 - "Vlastiti prihodi", kako bi se obezbijedili elementi za knjiženje u Glavnoj knjizi Trezora.

Član 5.

(Pračenje naplate vlastitih prihoda)

- Budžetski korisnici odgovorni su za potpuno i pravovremeno uplaćivanje vlastitih prihoda na depozitni račun.
- Budžetski korisnici su dužni da redovno prate, putem izvještaja koje dobiju od Ministarstva finansija, dospjelost i naplatu vlastitih prihoda.
- Ministarstvo finansija će svakih 15 dana budžetskim korisnicima dostavljati izvještaje o uplaćenim vlastitim prihodima "RAS-021A".
- Budžetski korisnik je dužan da svaku pogrešnu uplatu vlastitog prihoda prijavi Ministarstvu finansija.

Član 6.

(Knjiženje vlastitih prihoda u Glavnoj knjizi Trezora)

- Sektor za Trezor Ministarstva finansija (u daljnjem tekstu: Sektor za Trezor) je obavezan po prijemu RAS fajla, na kojem je evidentirana uplata vlastitog prihoda za određenog budžetskog korisnika, izvršiti knjiženje te uplate u Glavnoj knjizi Trezora.
- Budžetski korisnici na osnovu izvještaja "RAS-021A" obavezni su najkasnije u roku od sedam dana zatvoriti naplaćena potraživanja u svojim pomoćnim knjigama i Glavnoj knjizi Trezora.

Član 7.

(Evidentiranje vlastitih prihoda u posebnim pomoćnim knjigama)

- Budžetski korisnici koji su obveznici PDV-a, dužni su voditi posebne pomoćne knjige: knjigu ulaznih faktura (KUF) i knjigu izlaznih faktura (KIF), u skladu sa odredbama Zakona o porezu na dodatu vrijednost ("Službeni glasnik BiH", br. 09/05, 35/05 i 100/08).
- Prilikom izrade budžeta budžetski korisnici koji su obveznici PDV-a obavezni su planirati i rashode po osnovu izlaznog PDV-a.

POGLAVLJE IV. RASPOLAGANJE VLASTITIM PRIHODIMA

Član 8.

(Način raspolaganja vlastitim prihodom)

- Budžetski korisnici mogu koristiti vlastite prihode po izvršenoj uplati na depozitni račun i podnošenjem pismenog zahtjeva.
- Pismeni zahtjev podnosi se Ministarstvu finansija, za odobravanje raspoloživih sredstava u mjesečnom operativnom budžetu.
- Zahtjev mora sadržavati obrazloženje o naplaćenim vlastitim prihodima, podatke o vrsti i iznosu rashoda koji se podmiruju iz tih prihoda i izvještaj "RAS-021A" kao dokaz o naplaćenim vlastitim prihodima.
- Budžetski korisnik će vlastite prihode koristiti u skladu sa odobrenim budžetom za fiskalnu godinu.

POGLAVLJE V. KNJIŽENJE RASHODA IZ OSTVARENIH VLASTITIH PRIHODA

Član 9.

(Knjiženje rashoda)

- Knjiženja rashoda po osnovu vlastitih prihoda vrši se tako što se u modulu AP, prilikom unosa fakture, odobri analitički konto iz klase 6 ili 8, s tim što se kod knjiženja u flex polje obavezno unosi oznaka "PROJEKTA" od 7 oznaka "SOPPRIH".
- Budžetski korisnici su dužni da redovno prate, putem izvještaja, ostvarene rashode i izdatke po osnovu vlastitih prihoda do visine operativnog budžeta.

POGLAVLJE VI. POVRAT I PREKNJIŽENJE POGREŠNO ILI VIŠE UPLAĆENIH VLASTITIH PRIHODA

Član 10.

(Pojam pogrešno ili više uplaćenog vlastitog prihoda)

- Pogrešno uplaćenim vlastitim prihodom smatra se uplata koja nije izvršena na način propisan Pravilnikom o načinu uplate javnih prihoda budžeta i vanbudžetskih fondova na teritoriji Federacije Bosne i Hercegovine.
- Više uplaćenim vlastitim prihodom smatra se uplata koja je evidentirana na depozitnom računu u većem iznosu od utvrđene obaveze.
- Više uplaćenim vlastitim prihodom smatra se i primljena uplata za radnju ili uslugu koja nije izvršena.

Član 11.

(Postupak povrata pogrešno ili više uplaćenog vlastitog prihoda)

- Postupak povrata pogrešno ili više uplaćenog vlastitog prihoda pokreće se na osnovu zahtjeva uplatioca.
- Zahtjev za povrat pogrešno uplaćenog vlastitog prihoda uplatilac podnosi budžetskom korisniku koji je naložio plaćanje prihoda sa dokazima o pogrešnoj i ispravnoj uplati (kopije uplatnica).
- Zahtjev za povrat više uplaćenog vlastitog prihoda uplatilac podnosi budžetskom korisniku koji je naložio plaćanje prihoda sa dokazom o više uplaćenim sredstvima (kopija uplatnice).
- Budžetski korisnik će na osnovu primljenog zahtjeva i uvidom u svoju evidenciju uplaćenih vlastitih prihoda potvrditi pravo na povrat, te od Ministarstva finansija zatražiti da se izvrši povrat više ili pogrešno uplaćenog vlastitog prihoda uplatiocu.

Član 12.

(Odobranje povrata pogrešno ili više uplaćenih vlastitih prihoda)

- Ministarstvo finansija na osnovu primljene dokumentacije od budžetskog korisnika i na osnovu službene evidencije uplaćenih prihoda rješenjem odobrava povrat pogrešno ili više uplaćenih vlastitih prihoda.
- Povrat pogrešno ili više uplaćenih vlastitih prihoda koji su uplaćeni u tekućoj fiskalnoj godini vrši se sa depozitnog računa iz tekućeg priliva, a povrat pogrešno ili više uplaćenih vlastitih prihoda koji su uplaćeni u prošlim godinama vrši se sa transakcijskog računa Kantona Sarajevo, na teret vlastitih prihoda budžetskog korisnika kome je prihod pogrešno ili više uplaćen.
- Povrat sredstava iz stava (2) ovog člana vrši se na osnovu rješenja o odobravanju povrata na ruke ili račun uplatiocu.

(4) Ministarstvo finansija, na osnovu rješenja iz stava (1) ovog člana, će za odobreni iznos povrata vlastitog prihoda umanjiti raspoloživa sredstva budžetskom korisniku.

Član 13.

(Evidentiranje povrata u Glavnoj knjizi)

(1) Sektor za Trezor na osnovu rješenja o odobrenom povratu vlastitih prihoda i Obrasca 3. u Glavnoj knjizi Trezora vrši preknjižavanje odobrenog iznosa za povrat sa budžetskog korisnika kome je vlastiti prihod uplaćen na budžetsku oznaku 99999999 - Trezor Kantona.

(2) Ministarstvo finansija obavještava budžetskog korisnika i uplatioca o izvršenom povratu.

POGLAVLJE VII. PREKNJIŽENJE POGREŠNO ILI VIŠE  
UPLAĆENIH VLASTITIH PRIHODA

Član 14.

(Preknjiženje pogrešno uplaćenih vlastitih prihoda)

(1) Vlastiti prihodi koji su uplaćeni na depozitni račun, na pogrešnu budžetsku oznaku ili bez upisane budžetske oznake mogu se preknjižiti na ispravnu budžetsku organizaciju, odnosno u korist budžetskog korisnika koji je prihod ostvario.

(2) Preknjiženja se mogu vršiti između pogrešno uplaćenih donacija, transfera i vlastitih prihoda budžetskog korisnika uz priloženu dokumentaciju kojom budžetski korisnik dokazuje izvor i namjenu uplaćenih sredstava.

(3) Zahtjev za preknjiženje pogrešno uplaćenog vlastitog prihoda podnosi budžetski korisnik koji je ostvario vlastiti prihod ili budžetski korisnik na čiju budžetsku oznaku su sredstva pogrešno uplaćena.

(4) Ministarstvo finansija na osnovu zahtjeva budžetskog korisnika i uvida u evidenciju uplaćenih prihoda na depozitni račun zaključkom odobrava preknjižavanje vlastitog prihoda.

(5) Sektor za Trezor na osnovu zaključka o odobravanju preknjižavanja vlastitih prihoda i Obrasca 3. vrši preknjiženje u Glavnoj knjizi Trezora.

(6) Budžetski korisnik može tražiti preknjiženje vlastitih prihoda samo za uplate izvršene u tekućoj fiskalnoj godini i to najkasnije do 31. januara tekuće godine.

(7) Ministarstvo finansija će propisati procedure o postupku preknjiženja pogrešno ili više uplaćenih vlastitih prihoda.

Član 15.

(Uplate prihoda koje se ne mogu preknjižavati)

(1) U Glavnoj knjizi trezora ne mogu se vršiti preknjiženja savlastitih prihoda na porezne i ostale neporezne prihode.

(2) U Glavnoj knjizi trezora ne mogu se vršiti preknjiženja sa poreznih i neporeznih prihoda na vlastite prihode.

POGLAVLJE VIII. ZAVRŠNE ODREDBE

Član 16.

(Prestanak važenja uputstava)

Stupanjem na snagu ovog Uputstva prestaje da važi Uputstvo o prikupljanju, evidentiranju i raspolaganju vlastitim prihodima od strane budžetskih korisnika ("Službene novine Kantona Sarajevo", broj 36/08) i Uputstvo o preknjiženju pogrešno uplaćenih prihoda od sopstvene djelatnosti budžetskih korisnika ("Službene novine Kantona Sarajevo", br. 26/03).

Član 17.

(Stupanje na snagu)

Ovo Uputstvo stupa na snagu danom donošenja, a objavit će se u "Službenim novinama Kantona Sarajevo".

Broj 08-01-14-9023/17  
27. februara 2017. godine  
Sarajevo

Ministar  
Prof. dr. **Jasmin Halebić**, s. r.

OPĆINA CENTAR SARAJEVO

Općinsko vijeće

Na osnovu članova 4., 8. i 13. Zakona o principima lokalne samouprave ("Službene novine Federacije BiH", br. 49/06 i 51/09), člana 10. i 68. Statuta Općine Centar Sarajevo ("Službene novine Kantona Sarajevo", br. 23/04), člana 87. Poslovnika Općinskog vijeća Centar ("Službene novine Kantona Sarajevo", br. 23/04) i presude Općinskog suda u Sarajevu br. 65 0 P 273944 12 P od 07.12.2015. godine, Općinsko vijeće Centar Sarajevo je, na Šestoj redovnoj sjednici održanoj dana 23.02.2017. godine, donijelo

ODLUKU

O DODJELI STANA PERIŠIĆ LIDIJI

Član 1.

Lidiji Perišić dodjeljuje se stan površine 40 m<sup>2</sup> u ulici Isaka Samokovlije broj 9/1, Sarajevo, čiji je vlasnik Općina Centar Sarajevo.

Član 2.

Lidiji Perišić pripada pravo na otkup stana shodno odredbama Zakona o prodaji stanova na kojima postoji stanarsko pravo F BiH.

Član 3.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-23-1272/17  
23. februara 2017. godine  
Sarajevo

Predsjedavajuća  
Općinskog vijeća  
**Karolina Karačić**, s. r.

Ova Odluka je objavljena na Oglasnoj ploči Općine Centar dana 02.03.2017. godine.

Na osnovu člana 13. Zakona o principima lokalne samouprave u FBiH ("Službene novine Federacije BiH", br. 49/06 i 51/09), čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo" broj 23/04), člana 70. Zakona o građevinskom zemljištu ("Službene novine Federacije BiH", br. 25/03, 16/04 i 67/05), i člana 63. Zakona o prostornom uređenju ("Službene novine Kantona Sarajevo", broj 7/05), Općinsko vijeće Centar Sarajevo je, na Šestoj redovnoj sjednici održanoj dana 23.02. 2017. godine, donijelo